

中國方志叢書·華北地方·第二四四號

據

清·席奉乾修·孫景烈纂
乾隆三十四年刊本

影印

陝西 省

郃陽縣全志



成文出版社有限公司印行



10098697

中華民國五十九年 月壹一版

邵陽縣全志

全一冊

發行人：**黃 成 助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

桂林陳榕門先生評點

邵陽縣全志

新修邵陽縣全志序

邵邑擅梁山洪河之勝實
元聖發迹名區春秋時子
夏又嘗退居西河則風教
之厚有自來矣我

國家崇典右文作新百有餘

年而邵邑益士敦古處民
興於行其間多有可紀述
者按前志修自有明後雖
間有詮次而究非完書縣
令席君慨然念百年內事
迹脫畧典文闕如遂捐俸

議纂成全志而秉筆則聘
武功孫酉峯太史烏夫太
史以經術起家久樹三秦
文望本史材為撰述宜乎
搜索探討之悉歸至當矣
會仲秋席君持所撰稿本



來謁並問序於余其志卷
凡六又雜記一述地理建
置田賦則沿革廢興指陳
皆有確據次官師人物選
舉則核實撮要多寓勸懲
殷心至雜記更收錄嚴謹

盡汰荒渺無稽而有闕政
教者靡不登載詳明信能
以經術發為文章足稱邵
邑信史將曩所謂百年待
修者而今則炳炳烺烺且
為完書矣嗟乎典文修明

惟在有能振舉之者耳余
自念守闕十載嘗思振興
文教比年緣攝篆無轄益
愧奔忙未逮而席君乃當
案牘倥偬之餘獨留心於
邑乘成茲巨製俾阿衡肇

興之地再振友教遺澤則
所以培人心風俗者良厚
而余不且慰藉素懷哉爰
於其將授梓也而為之序
時乾隆三十四年歲在己
丑八月既望

特授陝西潼商兵備兼管水
利道楚溪屠用中書



新修邵陽縣志序

志也者尚朔星輿建置祀典
田賦之由始記載官師人物
選舉風俗之代更近足備觀
風之採遠可爲炯鑒之資道
與法參焉非才學識兼長不

可以為志余守馮翊歷覽各
屬志乘惟朝邑為最蓋汝慶
韓君為之著述也及展閱郃
陽舊志歷年久遠雖山川如
故而雲物自移政治損益無
所考賦後因草無可稽與夫

忠孝節義之倫瑰竒卓犖之
概咸幽隱弗彰邵之文獻典
故幾無所藉以攷鏡余正愾
然大為憾事己丑秋邵宰席
君以所脩新志走藁質余余
悅而讀之其詞簡而能括事

詳而不支義理密察文質相
宜深得龍門筆旨誰為之武
功西峰孫太史也然非賢令
尹敦禮紳士磨研編次彙集
成書將何以模今而範後耶
讀斯志觀風問俗者不待他

求而得之於此矣賞音更有
待於來茲遂書為之序
乾隆歲在己丑清秋知同州
府事襄平林文德書

